

Sambŭt
Yôhan
Nchih
Rơh 2
Nau bôk ăn bu gĩt lor

Nờm nchih sambŭt dja rnha Yôhan, păng nchih sambŭt dja klăp lah ta năm 60-90. Ta nau ngơi Grek mầu ôh geh nchih rnha Yôhan ta sambŭt dja, nờm nchih kuăl săk păng nờm ‘Kôranh’, yờn ma phung kôranh phung nsing ma Brah Krist ốk năm bớh kơi jêh bu nchih nau tâm rnglăp mhe, nchih lah nờm nchih Yôhan i kôranh oh mon Brah Krist. Bu mân lah păng nchih sambŭt dja ta bon Êphêsô, păng njuăl sambŭt dja ăn ma ‘Yôh bu ur, ndrel ma phung oh kon bu ur i nây’, geh bunuyh abă mân lah khân păng i nây jêng du huê bu ur ndâp ma i kon păng i Yôhan gĩt năl, geh bunuyh ốk mân lah ngơi hờn ma phung nsing du ntŭk. Yôhan nchih sambŭt Yôhan nau mhe mhan ueh đờng, sambŭt Yôhan rơh 1, rơh 3 ndrel ma sambŭt Nau Tâm Mpoỉ đờng.

Nau ũch ntrờng ta sambŭt dja

Ta sambŭt dja Yôhan n'hao nuih n'hâm ndrăng phung nsing ăn tâm rờng ndrăng khân păng nờm, păng nti lah bu moh i rờng ma bu jêng iăt nau Kôranh Brah đă, jêh ri păng đă njrăng nau nti nklă.

Mbớh nau khlay ta nkỏ ta sambŭt dja

- Nau ộp ueh lăng (1:1-3)
- Nau tâm rờng ndrăng bunuyh nsing (1:4-6)
- Nờm nti nklă (1:7-11)
- Nau ntĩnh n'glẻ dŭt (1:12-13)

Nau ôp ueh lăng

¹ Sambüt dja tă bôh gâp Yôhan i kôranh ta phung i nsing ma Brah Yêsu Krist. Dăn ôp nau ueh lăng ma yôh bu ur, ndrel ma phung oh kon bu ur i nây*. Lě Kôranh Brah de kôih khân ay may jêh. Gâp rông khân ay may ngăn ngên. Mâu ôh đơn du huê gâp đơm i geh nau rông i nây, dăng lě mpôl i lě gít năl Nau Ngăn, khân păng geh nau rông i nây đơng.* ² Nau rông i nây geh yorlah Nau Ngăn lě gũ jêh ndrel bân abao dja, jêh ri hòm gũ ndrel bân babo n'ho ro. ³ Dăn Kôranh Brah Bở, ndrel ma Brah Yêsu Krist i Kon Kôranh Brah Bở nôm, ăn nau ueh, nau yố, nau đăp mpăn ma phung bân i gũ ta nau nti i ngăn, ndrel ma gũ ta nau rông.*

Nau tâm rông ndrăng oh nô ta nau nsing

⁴ Gâp geh nau răm maak hô ngăn, yor ma say oh kon ay abă i lě gũ rêh jan tâng nau nti i ngăn, jêng tâm di đah nau Kôranh Brah Bở đă bân nôm.* ⁵ Ở yôh ta nau nsing, ta sambüt i gâp nchih njuăl dja, gâp ũch nkah tôr ay, ăn phung bân tâm rông ndrăng bân nôm. Nau đă ma nau rông i nây mâu di ôh nau đă mhe, jêng nau đă om i phung bân lě om geh ntôm bôh saôm nôm.* ⁶ Nau tâm rông ndrăng bân nôm geh nau khlay lah jan tâng nau Kôranh Brah lě đă ma phung bân. Păng đă phung bân tâm rông ndrăng bân nôm, ndri ay lě tăng ntôm bôh saôm nôm.*

Nôm nti nklă

* 1:1 1:1: 'Yôh bu ur' i nây bu mân lah, ngoi ma phung nsing i rbũn ta ntũk nguai, jêh ri 'Oh kon bu ur' i nây, ngoi ma dăng lě bunuyh i nsing ma Brah Krist ta ntũk rbũn i nây. * 1:1 1:1: 3Yô 1:1; Yôh 14:6 * 1:3 1:3: 1Ti 1:2; 2Ti 1:2 * 1:4 1:4: 3Yô 1:3-4 * 1:5 1:5: Yôh 13:34 * 1:6 1:6: Yôh 14:15; 1Yô 5:3

⁷ Ta neh ntu dja lě geh ők mpôl i mbrôh bu ăn jan tih, mpôl i nây nti kot nđă: Brah Yêsu Krist văch ta dja mâu ôh jêng rnglay săk bunuyh ngăn. Bu moh i nti kot nây, păng jêng bunuyh mbrôh bu, jêng bunuyh i tâm rdâng đăh Brah Krist.* ⁸ Ăn khân ay may njrăng ngăn hõm, klach lah roh nau nkhôm ma nđơ i dăng lě bân lě nsrôyh jan kar. Yơn ma ăn khân ay may nsrôyh jan kar gay ma sỏ đơn nau nkhôm i nây ăn râng. ⁹ Bu moh i mâu ndjôt nập nau nti Brah Krist, jan rlau ta nau nti i nây, păng i nây mâu geh ôh Kôranh Brah gũ ndrel. Yơn ma bu moh i ndjôt nập nau nti i nây, păng i nây geh Kôranh Brah Bở, ndrel ma Kon Kôranh Brah nơm gũ ndrel ta păng.* ¹⁰ Lah bu moh i hăn ta khân ay may, mâu nti nau i nây ma khân ay may, lơi ôh rom păng gũ ta trôm jay khân ay may, jêh ri lơi ôh ôp nau ueh lăng păng đõng.* ¹¹ Bu moh i ôp nau ueh lăng bunuyh i kot nây, jêng lě tâm di nau ndrel nau djơh bunuyh i nây jan đõng.

¹² Geh ők nau jât i gập ۆch nchih ăn ma khân ay may, yơn ma gập mâu ۆch ôh nchih ma dak krăk ta n'ha rđayh, yorlah gập rơm hăn khõl khân ay may, tâm ngơi ndrel khân ay may, gay ma dăng lě bân geh nau răm maak lơ ma hô ngăn.* ¹³ Lõng oh kon yôh khân ay may† i lě Kôranh Brah de kơih nơh, khân păng ôp nau ueh lăng khân ay may đõng.

* 1:7 1:7: 1Yô 4:1-3 * 1:9 1:9: Yôh 7:16; 12:49; 1Yô 2:23 * 1:10 1:10: Rôm 16:17 * 1:12 1:12: 3Yô 1:13-14 † 1:13 1:13: Mâu lah 'Lõng dăng lě bunuyh i nsing ma Brah Yêsu Krist ta ntũk dja'.

Nau Kôranh Brah Ngơi Nau Tâm Rnglăp Mhe
Mnong, Central: Nau Kôranh Brah Ngơi Nau Tâm Rnglăp Mhe New
Testament

Copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 10 Feb 2021 from source files dated 6 Feb
2021

e066eeff-60da-5ff7-9822-f65015bcd247